

六藝之一錄

欽定四庫全書

六藝之一錄卷三十七

錢唐倪濤撰

石刻文字十三

西嶽華山廟碑

周禮識方氏河南山鎮曰華謂之西嶽春秋傳曰山嶽則配天乾以定位山澤通氣雲行雨施既成萬物易之義也祀典曰日月星辰所昭叩也地理山川所生殖也功加於民祀以報之禮記曰天子祭天地及山川歲遍

爲自三五迭興其奉山川或在天子或在諸侯是以唐虞疇咨四嶽五歲壹巡狩皆以四時之中月各省其方親至其山柴祭燔燎夏商則未聞所損益周鑒於二代十有二歲王巡狩殷國亦事于方嶽祀以圭璧樂奏六歌高祖初興改秦淫祀太宗承循各詔有司其山川在諸侯者以時祠之孝武皇帝脩封禪之禮思登遐之道巡省五嶽裡祀豐備故立宮其下宮曰集靈宮壁曰存僊壁門曰望僊門仲宗之世重使使者持節祀焉歲一

禱而三祀後不承前至于亡新寢用公虛託今垣趾營
地猶存建武之元事舉其中禮從其省但使二千石以
歲時往祠其有風旱禱請祈求靡不報應自是以來百
有餘年有事西巡輒過享祭然其所立碑石糾紀時事
文字摩滅莫能存識延熹四年七月甲子弘農太守安
國亭侯汝南袁逢掌華嶽之主位應古制脩廢起頓閔
其若茲深達和民事神之義精通誠至禘祭之福乃案
經傳所載原本所由銘勒斯石垂之于後其辭曰

巖巖西嶽峻極穹蒼奄有河朔遂荒華陽觸石興雲雨
我農桑資糧品物亦相瑤光崇冠二州古曰雖梁馮于
幽岐文岳克昌天子展義巡狩省方玉帛之贄禮與岱
允六樂之變舞以致康在漢中築建設宇堂山嶽之守
是秩是望侯惟安國兼命斯章尊脩靈基肅共壇場明
德惟馨神歆其芳遐穰凶札孳斂吉祥歲其有年民說
無疆

袁府君肅恭明神易碑飾闕會遷京兆尹孫府君到欽

若嘉業遵而守之延熹八年四月廿九日甲子就

袁府君諱逢字周陽汝南女陽人孫府君諱璿字山陵
安平信都人時令朱頡字宣得甘陵郇人丞張舅字少
游河南京人左尉唐佑字君惠河南密人主者掾華陰
王養字德長

京兆尹勅臨都水掾霸陵杜遷市石遺書佐新豐郭香
察書刺者潁川邯鄲公脩蘇張工缺君闕

右西嶽華山廟碑篆額在華州華陰縣威宗延熹四

年逢守洪農郡以華嶽舊碑文字磨滅遂案經傳載
原本勒斯石以垂後會遷京尹乃勅都水掾杜遷市
石遣書佐郭香察書碑成於後之四年蓋孫瑯典郡
時也逢者司徒安之曾孫太尉湯之次子嘗為司空
而卒史不載其歷弘農京兆乃闕文也東漢循王莽
之禁人無二名郭香察書者察涖宅人之書爾小歐
陽以為郭香察所書非也碑云四時中月省方柴祭
不讀中為仲其義亦通至以宣帝為仲宗則是借仲

為中說者謂漢世字少故多假借或曰漢人簡質字
相近者輒用之予以為不然亦好奇之過爾以帝者
廟號而借以它字不恭孰甚焉

隸釋

碑云昭卬禮記作瞻仰亢即亢字易即昉字番即

香字卬即卬字又以瘵為廢女陽為汝陽

全上

漢西嶽華山碑文字尚完可讀其述自漢以來云高
祖初興改秦淫祀太宗承循各詔有司其山川在諸
侯者以時祠之孝武皇帝修封禪之禮巡省五嶽立

宮其下宮曰集靈宮殿曰存僂殿門曰望仙門中宗
之世使者持節歲一禱而三祠後不承前至於亡新
寤用丘虛建武之元事舉其中禮從其省但使二千
石歲時往祠自是以來百有餘年所立碑石文字磨
滅延熙四年弘農太守袁逢修廢起垣易碑飾闕會
遷京兆尹孫府君到欽若嘉業遵而成之孫府君諱
璆其大略如此所謂集靈宮者他書皆不見唯見此
碑則余之集錄不為無益矣

集古
錄目

右不著撰人氏書佐郭香察隸書延熹四年弘農太守袁逢以嶽廟故碑磨滅改立碑作銘會遷京兆尹後太守孫瑯成之碑以延熹八年立在華嶽其後有

唐人題名

集古錄目

漢郭香察隸漢人碑多不書何人書姓名者獨此帖

耳碑在陝西華陰縣華山廟

金石略

右華嶽碑集古錄云碑以周禮職方氏為識方氏者

樊殺碑跋

疑當時周禮之學自如此蓋識誌其義通也今

按袁逢華嶽碑亦引職方氏乃用識字蓋漢人簡質字相近者輒假借用之初無意義爾

金石錄

歐陽文忠集古錄云所謂集靈他書皆不見惟見此碑臬按漢書地理志云太華山在華陽南有祠集靈宮武帝起又桓譚仙賦序云華山下有集靈宮漢武帝欲懷集仙者故名殿為存仙門為望仙二書所載其詳如是則集靈宮不獨見於此碑也文忠博古矣猶時有舛漏後學可忍諸黃某記

東觀餘論

西嶽華山碑後漢延熹四年弘農太守孫瑆建書曰武帝巡狩五岳立宮其下宮曰集靈殿曰集仙昔歐陽公謂集靈宮惟見於此天下之事其不可知衆矣然人各以所見自限不可以此斷天下事也文籍所傳其隱細不大顯於世凡幾何書其顯而在人耳目者雖衆又未必盡得而知則其存與否吾安得而盡之故於書傳所疑每則慎之不敢決然以謂此也漢武集靈宮見於太華漢志既書之矣桓譚嘗賦之酈道元曰敷水

北逕集靈宮其事甚備永叔惜不得見也張昶序曰
岱山石立中宗繼統太華授璧秦胡絕緒白魚入舟
姬武建業寶珪出水子朝喪位布五方則處其西列
三條則居其中世宗又經集靈之宮於其下想松喬
之疇然則集靈亦其盛哉三輔黃圖書其制度類聚
亦書其名劉勰蓋嘗言矣予因得考之信

廣川
書跋

敷水又北逕集靈宮西地理志曰華陰縣有集靈宮
武帝起故張昶華嶽碑稱漢武慕其靈築宮在其後

而北流注于渭

水經注

右漢西嶽華山廟碑予得之御史宋君良弼集古錄
引碑文云漢武帝巡省五嶽立宮其下宮曰集靈殿
曰存仙門曰望仙而以為集靈宮者他書皆不見惟
見此碑金石錄引漢地里志云華陰有集靈宮水經
注云敷水北經集靈宮而謂不特此碑載之及觀之
董氏書跋云集靈宮漢志既書之桓譚嘗賦之張昞
序曰世宗經集靈之宮而復謂三輔黃圖書其制度

藝文類聚亦書其名則又金石錄之所未及者此亦
可以見博古之難矣

金薤
琳瑯

此碑後題云新豐郭香察書楊文貞公跋謂漢魏之
碑多不載書刻人氏名此獨詳焉遂因之有聞於今
而文貞惟以為郭香書而不曰香察其意盖疑香察
不類人名故也隸釋云東漢循王莽之禁人無二名
郭香察書者察蓋他人之書其說為得此文貞之所
未知然洪氏亦不言為何人書也按徐浩古迹記以

碑為蔡中郎書浩深於字學且生唐盛時殆非鑿空
而言者洪氏失之於不考耳

全上

右漢西嶽華山廟碑其略云孝皇武帝修封禪之禮
巡省五岳立宮其下宮曰集靈宮殿曰存仙殿門曰
望仙門歐陽公集古錄云所謂集靈者他書不見惟
見於此碑耳余按班固漢書地理志華陰有集靈宮
武帝起而酈道元注水經亦云敷水北逕集靈宮引
地理志所載其語皆同然則不獨見於此碑矣而所

謂存仙殿望仙門者諸書不載

金石錄

西嶽華山碑文見楊用修金石刻亦爾雅可讀為新
豐郭香察書凡漢碑例不存書者名氏此小異耳至
謂東京無雙名而謂察書者監書也其言亦似有據
然鄧廣德梁不疑成翊世鄧萬世王延壽謝夷吾蘓
不韋費長房薊子訓此何人也其行草殊道勁督策
之際不盡如鍾梁二公乃知唐人隸分之法所由起

耳

兗州山人

漢魏碑例不著書刻人姓名獨此題郭香察書為異
洪适隸釋云東漢循王莽禁無雙名郭香察書者察
蒞他人之書又唐徐浩古迹記以為蔡中郎書余按
碑文云京兆尹勅監都水掾霸陵杜遷市石句遣書
佐新豐郭香察書市石察書為二事則洪公言似亦
有據但書雖道勁殊不類中郎郭香何人乃蒞中郎
書耶且市石察書刻者皆著其名而獨無中郎名何
也徐浩生唐盛時去漢近其人又深于字學不應謬

妄至此皆不可曉至如楊文貞公跋遂以為郭香書則察字無屬不成文理矣此碑嘉靖中猶在一縣令修岳廟石門視殿上碑題皆當時顯者恐獲責罰此碑年久遂碎為砌石余從東肇商借舊本而書其後

如此云

石墨
錫華

新豐郭香察書西嶽華山廟碑其結體運意乃是漢隸之壯偉者割篆未會時或肉勝一古一今遂為隋唐作備如山子諸字是也余家華下近百年前有客

訪其石已毀此搨獨巍然如魯靈光並嶽色同來映
發几席殘闕僅百二十餘字存者鋒芒銛利如新拱
壁駟馬云何可尚碑建於延熹而謂以莽制東京無
二名察書者監書也夫莽漢賊也當莽世已欲啖其
肉齧其宮不暇安有世祖正位二百年尚尊莽制不
衰耶按莽孫宗坐罪死莽曰宗本名會宗以制作去
二名今復名會宗是當莽世亦自有二名也况即往
牒一按二名不可勝紀則臆說無據可笑也集古錄

謂集靈宮不見他書惟載此碑董道黃伯思廣引諸
書駁之加詳夫以永叔蓋代之學缺漏如此誠為可
議然何闕名義也則余於此烏容以無辨此榻舊藏
墨莊樓雲駒舉以歸余雲駒博雅能詩善漢分法于
余獨有臭味之雅余之寶此又不獨以物也

金石
史

西嶽華山廟碑八分書此為延熹八年四月甲子前
弘農太守汝南袁逢所立會遷京兆尹後太守孫瑆
遵而成之者碑舊在華陰縣西嶽廟中嘉靖二十四

年地震碑毀華陰郭脣伯有比拓本文字完好其未
曰京兆尹勅監都水掾霸陵杜遷市石遣書佐新豐
郭香察書東漢人二名者絕少而察書乃對上市石
之文則香者其名而特勘定此書者爾漢碑未有列
書人姓名者歐陽叔弼以香察為名殆非也

金石文
字記

西嶽華山亭碑

惟光和元年歲在戊午名曰咸池季冬己巳弘農太守
河南樊君諱毅字仲德下車之初恭肅神祀西嶽至尊

詔書奉祠躬親自注省從簡謙即事有漸散齋華亭

齋室逼空

字窄

郡縣官屬灑齋羈處尊卑錯綜精誠不固

畏天之威逢斯殫怒時雨不興曰

字甘

澍弗希念存黔首

懼闕曠繫於是與令巴郡胸忍先讜公謀圖議繕故斷

度得廊立室異處左右趣之莫不競慕二年正月巳外

興就既成有序

字亢

休嘉啟霽各得竭情福禴是顧刺茲

碑蹄度卒俠路其辭曰

巖巖西嶽五鎮次宗緒德之尊大華優隆皇帝永思祀

典孔明高神宵宴珪璧贊通赫赫在上以畜萬邦惟嶽
降神寔生羣公卿士百辟纘葉彼蒙帝命不違歲事報
功后辟命卿殿齋外亭敬恭明祀以奉皇靈處所逼空
肩罕有聲神樂其靜瀟暈霖形尊卑有序縈心致誠因
繕舊室整頓端平在其板屋孰不加精天人同道萬社
是迎既受帝祉延于後生為龍為光顯入王庭為公為
侯福禱來成刻石紀躪永亨利貞府丞勃海劉固村長
功曹史揚儒寧先主簿湖揚趙伯馮供曹掾揚基伯載

史陝許禮文化縣丞隴西彭和伯怡左尉隴西甄璠尉
寧臨興者門下掾駱瑗伯先主記史柏覽文進戶曹掾
魏嘗威長史田肱文祖將作掾曹鑿孔明任就彡成史
吳武丙昌

右西嶽華山亭碑篆額碑云光和元年歲在戊午名
曰咸池案淮南子論天之四宮曰咸池者水魚之圃
天官書云西宮咸池曰天五潢奎婁胃昂畢觜參居
之敦牂歲歲星以五月與胃昂畢晨出東方名曰天

津蓋三宿在西宮之中而歲星以千年舍其分故以
咸池為名所云天津者亦取五潢之意淮南又以斗
杓為小歲咸池為太歲而謂其每歲自卯逆行四仲
即陰陽家所推以忌乘航者是也許祭酒注云咸池
星名水魚天神蓋經星隨璇機之運不可離其次者
周流四仲當是其神爾故晉志又云咸池魚圓也

釋 錄

碑以俠為夾帑即布字紫即素字啟即啓字旨即

肯字鼻即曼字

全 上

隸書不著書撰人名氏據碑漢光初元年弘農太守河南樊毅字仲德初至郡親祠西嶽以其齋室逼窄使縣令胸肥先讜繕治之明年正月己卯而就

立此碑

集古錄目

西嶽華山亭碑光初二年立在華州

漢隸字原

樊毅復華下民租田口算碑

光初二年十二月庚午朔十三日壬午弘農太守臣毅頓首死罪上

尚書臣毅頓首頓首死罪死罪謹案文書臣以去元年十一月到官其十二月奉祠西嶽率山省視廟舍及齋衣祭器率皆久遠有垢故魯不脩大室春秋作譏臣以神嶽至尊宜加恭肅輒遣行事荀珽與率陰令先讜以漸繕治成就之後仍雨甘雪澱潤宿麥惠滋勑庶臣即日以詔書齋祠雪未消澤時日清和神歡民喜誠聖朝勞神日昊廣被四表覆毓之德神人被施遐邇大小莫不牟甚臣毅頓首頓首死罪死罪謹又書言縣當

孔道加奉尊嶽一歲四祠養牲百日常當充肥用穀豪
三千餘斛或有請雨齋禱役費兼倍每被詔書調發無
差山高聽下恐近廟小民不堪役賦有飢寒之窘違宗
神之敬乞差諸賦復率下十里以內民租田口莧以寵
神靈廣祈多福隆中興之祚臣輒聽行盡力奉宣詔書
思惟惠利增異復上臣毅誠惶誠恐頓首頓首死罪死
罪上

尚書

掾臣徐屬臣淮書佐臣謀

弘農大守上祠西嶽乞縣賦發差復率下十里以內民
租田口美狀

右樊毅乞復華下民租田口筭狀此碑全載光和二
年十二月壬午奏牘別無它詞蓋毅到郡即遣官屬
繕治廟宇縣令以地當孔道一歲四祠有養牲之費
調發之勞故為華下十里之內希乞恩卹雖不同孔
廟卒史碑併載朝廷施行語案後碑云上奏復賦克

厭帝心則知已從其請矣碑後有唐興元中縣令盧
做題字云碑在廟北隙地没于荒榛時方徙之縣治

云

釋

此碑勅為黎讖為漸前漢志注云三輔黃圖漸臺

亦作讖

右漢修西嶽廟復民賦碑云光和二年十二月庚午
朔十三日壬午弘農太守臣毅頓首死罪上尚書臣
毅頓首頓首死罪死罪謹按文書臣以去元年十一

月到官其十二月奉祠西嶽華山省視廟舍及齋衣
祭器率皆久遠有垢臣以神嶽至尊宜加恭肅輒遣
行事荀班與華陰令先讜以漸次繕治成就之又曰
讜言縣當孔道加奉尊嶽一歲四祠養牲百日用穀
藁三十餘斛或有請雨齋禱役費兼倍小民不堪有
飢寒之窘違宗神之敬乞差諸賦復華嶽十里以內
民租田口臣輒聽盡力奉宣詔書思惟惠利增異復
上臣殺誠惶誠恐頓首頓首死罪死罪上尚書漢家

制度今不復見惟余家集錄漢碑頗多故於磨滅之餘時見一二而此碑粗完故錄其首尾以傳臣毅者

樊毅也

集古錄

隸書不著名氏漢弘農太守樊毅上尚書表也毅使從事荀班華陰令先讜繕治獄廟并復華下十里民田租口筭以其事表上光和二年也碑久湮沒唐興元元年華陰令盧倣求得而為之記八分書於碑末

在華獄廟中

集古錄目

光和二年立在華州碑久湮沒唐興元元年華陰令
盧倣求得而為之記八分書於碑未集古錄自作修

西嶽廟復民賦頌

漢隸
字原

樊毅脩華嶽碑

山經曰泰率之山削成四方其高五千仞廣十里周禮
識方氏率謂之西嶽祭視三公者以能興雲雨產萬物
通精氣有益於人則祀之故帝舜受堯歷數親自巡省
設五鼎之奠貳燠壇埋致敬神祇艾用昭明百穀繁殖

黎民時雖鳥獸率儻鳳皇來儀暨夏殷周未之有改也
其德休明則有禎祥荒淫臊澁萬災必降秦違其典譬
遺鄙池二缶以亡

漢祖應運禮遵陶唐祭則獲福亦缶克昌亡新滔送鬼
神不亨違武之初彗掃頑凶更率舊章敢用玄牡牲牲
必充天雉醇祐萬國以康光和二年有漢元甥五侯之
胄謝陽之孫白樊府君諱毅字仲德承考讓國家于河
南究職州郡辟公府除防東長中都令誅強黜撫瘠民

二鄙以清命守斯邦威隆秋霜恩踰冬日景化既宣由
復夕暢惟寵祿之報順民之則孟冬十月齋祠西嶽以
傳邑狹不足容尊卑廟舍舊久檣屋傾亞並室不脩春
秋作譏持部行事荀斑與縣令先謙以漸補治設中外
館圖珍琦畫牲獻嶽瀆之精所出禎秀役采干時而功
已著暫勞久逸神朶有憑自古泰山邴邑由存五嶽尊
同哀此勤民獨不賴福乃上復十里內工商農賦克厭
帝心嘉瑞仍金風雨應時澑潤品物君舉必書兄乃盛

德惠及神人可無述焉於是功曹郭敏主簿魏龍戶曹
史許禮等遂刊玄石銘勒鴻勛垂曜音幹永有昭識其
辭曰

兩儀剖判清濁始分陽凝成山陰積為川泰氣靡吞洪
波汜臻堯命伯禹決江開汶以靈既安缺地民乃列

祀典辨于羣神因瀆祭地獄以配天並王遵脩永亨歷
年赤銑煌煌受茲余福京夏密清殊俗賓服令問不違
可謂至德德音孔昭實惟我后出自中興大漢之甥本

技繁昌延慶長久俾守西嶽達奉神禮改傳飾廟靈則
有濟降瑞含祚景風凱悌惟風及雨成我稷粟植民用
章康艾室宇刊銘紀誦克配梁甫

右樊毅脩華嶽碑華嶽有樊毅之碑三華亭及華租
碑皆云祠事在元年季冬華亭碑云繕治就緒在二
年正月此碑叙始祠乃在二年十月與前不同蓋此
碑多誇如云復十里內工商農賦夫以祠祭勞民養
牲費豪為農乞復租筭可也工商何與焉前碑以午

年季冬己巳齋祠至來春己卯一旬之內工役已就
則所脩者散齋外亭爾蓋是以次整治工役相繼至
未年之冬衆作咸畢十月之祠乃是次年再舉此云
役不干時而功已著蓋欲美其速成故不引午年之
祭也碑云有漢元纁五侯之曹謝陽之孫按范書樊
宏封壽陽侯樊丹射陽侯樊尋玄鄉侯樊忠更父侯
樊茂平望侯樊氏侯者凡五國毅即丹之後也水經
云泚水西南流謝水注之詩所謂申伯番番既入于

謝者樊丹封謝陽即其國又云自廣陵出白馬湖逕
山陽城西即射陽縣之故城高祖封項纏為射陽侯
乃其地据此則傳以丹為射陽誤也

隸釋

碑以職方為識方壇為裡犁為黎澁為穢澁為漸
凡為况音軫為億齡彛即舜字畚即荅字芬即介

全上

右漢樊毅華嶽碑云泰華之山削成四方其高五千
仞周禮職方氏華謂之西嶽祭視三公者以能興雲

雨產萬物通精氣有益於人則祀之故帝舜受堯親
自巡省暨夏殷周末之有改秦違其典璧遺鄣池二
世以亡漢祖應運禮遵陶唐祭則獲福亦世克昌亡
新滔逆鬼神不享建武之初彗掃頑凶光和二年有
漢元舅五侯之冑謝陽之孫曰樊府君諱毅字仲德
命守斯邦孟冬十月齋祠西嶽以傳窄狹不足處尊
卑廟舍久舊墻屋傾亞特部行事荀班縣令先讜以
漸補治此其事也又云功曹郭敏等遂刊玄石銘勒

鴻勳其字畫頗完其文彬彬可喜惟以周禮職方氏
為識方氏其字畫分明非譌缺疑當時周禮之學自
如此蓋識誌其義皆通也

集古錄

漢樊毅修華嶽碑云惟光和元年歲在戊午名曰咸
池季冬己巳弘農太守河南樊君諱毅字仲德下車
之初恭肅神祀西嶽至尊詔書奉祠躬親自往齋室
逼窄法齋無所於是與令巴郡胸忍先讜圖議繕故
二年正月己卯興就刻茲碑號吏卒挾路據此碑乃

即時所立而太守生稱諱者何哉

全上

隸書不著書撰人名氏漢光和元年華陰太守修嶽
祠記也并唐貞元三年檢校太子庶子董叔經等十

五人題名附

集古
錄目

右樊毅西嶽廟碑云弘農太守河南樊君諱毅歐陽
文忠公集古錄云據此碑乃即時所立而太守生稱
諱者何哉按春秋左傳周人以諱事神名終將諱之
而禮卒哭乃諱鄭氏以謂敬鬼神之名也諱避也生

者不相避名衛侯名惡大夫有石惡君臣同名春秋
不非又漢宣帝元康元年詔曰聞古天子之名難知
而易諱也今上書觸諱以犯罪者朕甚憐之其更諱
詢諸觸諱在令前者赦之蓋卒哭而諱其名實始於
周而生死皆稱諱西漢已如此矣然則生曰名死曰
諱又出于近世也有以見後世忌諱愈密如此然生
而稱諱見于石刻者甚衆不獨此碑也

金石錄

裴畢華嶽碑

華岳廟前有碑後漢光和四年鄭縣令河東裴畢字

君先立

水經注

華嶽祠堂碑

華陰縣華山下有漢魏文帝三廟廟有石闕數碑一

碑是建安中立漢鎮遠將軍段熲更修祠堂碑文漢

給事黃門侍郎張昶造昶自書之元帝又刊其二十

餘字二書有重名傳於海內又刊傳中司隸校尉鍾

繇弘農太守毋丘儉姓名廣六行鬱然循平是太康

八年弘農太守河東衛叔始為華陰令河東裴仲恂
後其逸力脩立壇廟引道樹栢迄于山陰事見永興

元年華百石所造碑

水經注

漢華嶽廟碑在華陰漢鎮遠將軍段熲更修之碑黃
門侍郎張昶書魏文帝與鍾繇各於碑陰刻二十字

此碑垂名海內

陳思實
刻叢編

西嶽和山亭碑

華州

金石略

漢西嶽石闕銘

右漢西嶽石闕銘云永和元年五月癸丑朔六日戊子弘農太守常山元氏張勲為西嶽華山作石闕高二丈二尺其後為韻語文詞頗怪又時多假借時有難曉處永和漢順帝晉穆帝姚泓皆有此號穆帝時華陰不屬晉以此碑字畫驗之恐非姚泓時蓋漢刻也又按晉書載記姚興與泓傳本朝宋莒公紀年通譜皆云泓以義興十二年即偽位改元永和獨帝紀

作十一年未知孰是因考永和年號并記之

金石錄

堂谿典嵩高山石闕銘

右漢堂谿典嵩高山石闕銘云中郎將堂谿典伯并

熹平二年來請雨嵩高廟按後漢書靈帝紀熹平五

年復崇高山名為嵩高山章懷太子注引前漢書武

帝祀中嶽改嵩高為崇高東觀記曰使中郎將堂谿

典請雨因上言改之復為嵩高今此文乃熹平四年

可以正漢史之誤又蔡邕傳注引先賢行狀云典字

子度而延篤傳注又作季度今此碑乃云字伯并亦

當以碑為正 金石錄

嵩山太室神道石闕銘

惟中 缺 嵩高神君 缺 休 缺 最純春生萬物 缺

寸起雲潤施原流 缺 宣竝天四海莫不蒙恩聖朝

肅敬衆庶所尊 缺 奉起 缺 盡勤 缺 功德刻石紀

文 缺 顯 缺 異以傳後賢元初五年四月陽城 缺 長左馮

翊萬年呂常始造作此石闕 以後列職官姓名字多漫滅不可識

八分書元初五年四月今在登封縣中嶽廟南百餘步銘八行年月及職官姓名共十三行完好未圯而其文剝蝕殆半若少室啓母二所即闕亦就墮矣

竝天普天也古人省文 高山三石闕不載洪氏隸

釋故今錄其前文此三闕巋然尚在而永叔德父當宋之盛時何以皆未之見則知二錄所不及載者固

多也

金石文字記

開母廟石闕銘

缺

開母廟

缺

神道闕時太守

缺

朱寵丞零陵

泉陵薛政五官掾陰林戶曹史夏效監掾陳修長西

河園陽馮寶丞漢陽冀秘俊廷掾趙穆戶曹史張詩將

作掾嚴壽伍左福

已上缺
題名

百川柏縣稱遂

缺

浩浩下民震驚

缺

寫玄九

山甄旅

缺

漢山辛癸之間

缺

斯民同心濟

缺

替又遭亂秦

缺

馮神編彼飛雉

缺

符瑞靈支挺生

缺

蘇清興雲降雨

缺

不歌比

性乾坤

缺

我君千秋萬祀

缺

銘功昭眡後昆

缺

二年

以下銘文

重曰

缺

德洋溢而溥優

缺

則文燿以消搖

缺

皇極正而降休

缺

芬茲楸

于圃疇

缺

木連理於修條

缺

昨日新而累熹

缺

咸來王而會朝

缺

几域

缺

其修治

缺

祀聖母乎山隅

缺

金定四庫全書

卷三十七

神缺亨而缺格缺

釐我后

以萬祺缺

于缺樂而因缺

永

歷載缺而保之

已上後
銘文

篆書延光二年今在嵩山啓母廟南漢避景帝諱改

啓之字曰開葉封嵩陽石刻記曰今見存篆書三

十二行前題名十行行七字內第三行止六字以少

室石闕所列官名參考之則此十行之上無闕文也

後二銘共二十二行前銘十二行年月一行每行十

二字今止存六字後銘今止存九行每行亦止存六字
蓋亡其上一層矣後銘視嵩高志所載又闕四句又曰
闕式以石條累砌如墻而闕其中石質甚粗劣空地間
雜刻花紋亦不工細即篆文亦未盡善也內修條二字
皆從才 歲屠維協洽暮春予親至廟下視此石闕并
叔所謂闕四句者今又得四行二十餘字以文多不能
容故轉而刻于其旁仍亡其上一層也 重曰二字出
楚辭遠游篇所謂言之不足而長言之也并叔誤以為

重日而云是年月一行按此一行今存六字二年之下

重曰之上空石未鐫益明其非紀日矣漢書班婕妤自

悼賦文選潘岳寡婦賦亦竝用重日二字

金石文字記

少室神道石闕銘

缺

林芝缺日月而缺

三月三日缺

郡陽城縣興治神道缺

君丞零陵泉陵薛政五官掾陰林戶曹史夏效監廟

掾辛述缺長西河園陽馮寶丞漢陽冀秘俊廷掾趙躄

戶曹史張詩將作掾嚴壽廟佐向猛趙始

篆書今在登封縣西十里邢家舖西距少室山尚十
餘里當是漢時廟在其地焉葉封嵩陽石刻記曰凡
二十一行行四字其所列丞薛政等與啓母廟同其
為一時所立無疑也 此闕有銘辭而今僅存二行

八字其可辨者五字又云三月三日而上無年云郡
夏陽縣而上無郡名亦亡其上一層矣其見存之文

每行四字

金石文
字記

六藝之一錄卷三十七

欽定四庫全書

六藝之一錄卷三十八

錢唐倪濤撰

石刻文字十四

東海廟碑

惟永壽元丰春正月有漢東海相南陽桓君下念四時

享祀有常每飾壺切旋則阨崩於閔吏下費者不永寧

凡尊虛祇敬鬼神寔為黔勅祈福下咸慕蕝民相帥四

面並集乃部掾何俊左崇下殿作兩傳起三樓經構既

立事業畢成俊等鑄石欲闕下榮非仁也故遂闕而不著

初縣典祠雖有法出附增之闕下絕請求姑息之源瀕海

鹽闕缺月有貴賤收責侵侷民多闕下限貧富俱均下不容

姦闕缺仁憂闕缺惠康民賴其利

熹平元平夏四月東海相山陽滿君闕缺初躬令

闕下進瞻壇闕缺退宴禮堂嘉羨君功既爾闕缺是弓退

咨闕下蜡勛績不著後世無聞遂作頌曰

浩浩倉海百川之宗經落八極潢闕缺洪波潤闕下物雲

雨出焉天淵

缺

禎所

缺

昔在前代昭事百

下

有司齊

肅致力四時奉祠蓋亦所以敬恭明神報功

下

闕倚傾

於鏢桓君是繕是脩

缺

慕

缺

不日而成功

下

孫退

述爰勒斯銘亦著

缺

載垂馨

碑陰

闕者秦始皇所立名之秦東門闕事左史記

右東海廟碑靈帝熹平元年立在海州永壽元年東

海相南陽君崇飾殿宇起三樓作兩傳其掾屬何俊

右榮欲為君鐫石而南陽君止之厥後山陽滿君踵其武嘉歎勛績為作碑頌而二君名皆淪沒矣別有數句載秦東門事乃頌所謂倚傾之闕者碑錄胸山有秦始皇碑云漢東海相任恭修祠刻於碑陰似是此也任君當又在滿君之後南陽之役更十八年後人猶頌其美則模撫決非苟然者予官京口日將士往來胸山者云海廟一椽不存自今非四十年前舊物不復見此刻矣歐陽公時天下一家漢碑雖在遐

陬窮谷無脛而可至集古錄中已屢言難得為可寶

况今乎

釋 錄

碑中以阨為阨

上 全

右漢東海相桓君海廟碑云惟永壽元年春正月有

漢東海相桓君又云熹平元年夏四月東海相山陽

滿君其餘文字完者尚多大略記修飾祠宇事而其

銘詩有云浩浩倉海百川之宗知其為海廟碑也桓

君與滿君皆不著其名莫知為何人碑今在海州

石 金

漢東海祠碑永壽元年東海相桓君 漢秦始皇碑

東海相任恭修理祠於碑背刻在朐山 天下碑錄

東海祠碑永壽元年海州 東海相桓君海廟碑永

壽元年未詳 金石略

桐柏淮源廟碑

延熹六年正月八日乙酉南陽太守中丞盧奴 缺君靈

正好禮尊神敬祀以淮出平氏始於大夏潛行地中見

于陽口立廟桐柏春秋宗奉灾異告愆水旱請求位比
諸侯聖漢所尊受珪上帝大常定甲郡守奉祀濟絜沈
祭從郭君以來廿餘年不復身至遣丞行事簡略不敬
明神弗歆灾害从生五嶽四瀆與天合德仲尼慎祭常
若神在缺淮則大聖親之桐柏奉見廟祠崎嶇逼狹開
拓神門立闕四達增廣壇場飭治革蓋高大殿宇缺齊
傳館石獸表道靈龜十四衢廷弘敞宮廟嵩峻祗慎度
祀一年再至躬進三牲執玉以沈為民祈福靈祇報祐

天地清和嘉祥昭格禽獸碩茂草木芬芳黎庶賴祉民
用作頌其辭曰

汭汭淮源聖禹所導湯湯其逝惟海是造跡穢濟遠柔

順其道弱而能強仁而能武缺 晝奘明哲所取寔為

四瀆與河合矩缺 烈烈明府好古之則虔恭禮祀不衍

其德惟前廢弛匪躬匪力灾青以興陰陽以忒陟彼高

崑臻茲廟側肅肅其敬靈祇降福雍雍其和民用悅服

穰穰其慶丰穀豈殫望君輿駕扶老攜息慕君塵軌表

走忘食懷君惠賜思君罔極于骨樂于傳于萬億春侍
祠官屬五官掾章陵劉訢功曹史安衆劉瑗主簿蔡陽
樂茂戶曹史宛任巽

秋五官掾新缺梁慙功曹史鄺周謙主簿安衆鄧疑主
記史宛趙旻戶曹史宛謝綜

右祠柏淮源廟碑今在唐州載延熹六年南陽守躬
祠淮廟事水經云廟前有碑是郭苞立又二碑延熹
中守令所造此則其一也碑云奉祀濟絜字書無濟

字以文意推之當為齋戒之齋此碑又有一正書者
 如華蓋誤作萃豐晝夜誤作立式凡十數字婁壽亦
 有正書一碑州鄰誤作鄰里愛懷誤作盛德其難辨
 如朱爵及處謚字則以為闕文予之費目力於此書
 良不少也

隸釋

柘即拓字華即華字祗即祗字永即奔字

全上

漢桐柏廟碑磨滅雖不甚而文字斷續粗可考次蓋
 南陽太守修廟碑也其辭云延熹六年正月乙酉南

陽太守中山盧奴君奴下正缺一字當是其姓又云
尊神敬祀立廟桐柏春秋宗禳災異告變水旱請求
位比諸侯聖漢所尊太守奉祀二十餘年不復身至
遣丞行事簡略不敬明神弗歆災害以生五嶽四瀆
與天合德仲尼慎祭常若神在君準則大聖親之桐
柏來見廟祠崎嶇逼狹開拓神門立闕四望增廣壇
場又云執玉以沈為民祈福靈祈報祐天地清和其
大意止於如此其後頌亦可讀第不見太守姓名爾

然不著他事惟修廟祀神爾桐柏淮瀆廟也集古錄

右漢隸不著書撰人名氏南陽太守盧奴碑缺不見姓君

延熹六年重修桐柏廟作此頌桐柏淮源也碑在鄧

州集古錄目

桐柏淮源廟碑漢桓帝延熹六年正月八日乙丑立

隸書在南陽唐縣格古要論

後漢桐柏廟碑王文考撰撫搨精彩動人覽者謂是

宋本按歐陽永叔集古錄謂磨滅雖不甚而文字斷

續粗可考次其所載文僅十之六七不應此本完善

乃爾豈漢碑已泐而宋人別得善本重刻之耶分法

雖極古雅然往往有史惟則張正臣筆意視受禪勸

進表不無出入因識以俟知者

弁州山人藁

敬阮君神祠碑

天地定位缺

嶽瀆諸侯缺事其細缺

祭法白山林川谷有益於民缺左祀典夫中祿之凶

者蓋華嶽之體也石隄樹谷南通商維以屬熊耳百川

鍾儀充崖滿谷時有盛雨鼓浪涌溢棗高趨下揚波跂
沫於是散阮以為之黃承寫其流北注諸渭竭涿瀆暴
使不為害前屯通利吏民興貴有御史大夫將軍牧伯
故為立祠以報其功自亾新已來其祀墮廢所稍堙塞
隄防沮潰漂漫田疇滯敗亭市神怒民怨縣遂以袞賤
仕宦失官踣弊不震迄光和四年任詔之歲令河東聞
意缺君諱缺字君缺為政以德五教時序肅恭明神敬
奉裡祀勤郵民隱而除其害愍一縣之陵遲懼缺至之

無備追惟伯禹遏治之利乃復浚治散阡通利其水紹
脩舊祀弘拓其祠使民報祈視於社稷其有徵拜州郡
辟召皆當來辭大小有差散阡君尚饗後之人是遵是
奉神必據焉

光
和四年六月辛未造

丞陳苗陳苗夏龔叔淵左尉金城令居張德元缺有秩
長安賈福仲鮫田亮伯南蘇熹仲夏高紺子彊蘇璋元
興路陽子慎缺仲羲蘇立仲節李邵伯考李政寧安

王勝元超趙榮宣昌侯榮缺方趙殷仲理王弘漢侯楊

習元朮長防季万分冲景升趙濟子成但邵仲雲田芝

子射張珪子珪栢梁子順來臨選高許傾缺揚平長

方李珍伯缺丁封漢侯季和元朮范建子順呂泉文淵

田表文飾王范顯方季紀德和靳苗長南賈熙子寧任

觀缺吳楞子方張異多謙季衡升擢王琦威賢張脩

元載四禱元明王衍元升田謙敬讓趙慎季都劉翔進

方王頌子睢王咸多寧梁和子陽馬選缺高營缺仲公

營遼升高郭義君思蘇禎元升閔漢國寧郭歆賢明郭
健仲健趙嵩璋高劔翊子翊田儻笏和高盛村排揚眼
國先賈靚子上慈仁安國張信村信

右穀阮君神祠之碑銘篆額在鄭縣靈帝光和四年
縣令裴畢字君先立碑無縣令姓名据水經得之穀
有二陵古稱地險盖川阜高深雨盛水集有阮以儲
之則可以疏泄溉注而無溢溢之患自晉魏以來謂
之五部神廟歐陽公嘗託部使者模此碑命工以麵

填其刻而鐫剔之始可讀云廟有石隄西戍樹谷五樓先生東臺御史王翦將軍之像莫可曉今碑云石隄樹谷南通商雒當是有石為隄有木為谷後人因以名其神碑云前世通利吏民興貴有御史大夫將軍牧伯故為立祠考其文義蓋謂前世阮不堙塞水泉通利地產人物有至御史將軍牧伯之貴者後人不考亦以名其神爾光和之四年龍集辛酉此碑以作盟為作格者出西漢天文志碑之未有題名六十

六人云有秩長安知其皆長安人也李翕碑云衡官
有秩李瑾倉頡碑云蓮勺左鄉有秩衛彈碑云有秩
定陵杜則漢制有秩郡所署秩百石掌一鄉人戶五
千則置言其官裁有秩也

釋 隸

碑以彭為澎防即阮字祐即拓字

上 全

右漢穀阮君神祠碑在鄭縣慶歷中樞密直學士施
君為陝西都轉運使為余摹此本云碑文已磨滅初
不可辨以麤填其刻稍尋其點畫命工鐫治之乃可

讀漢碑今在者類多磨滅不完故斯碑歷歷可見也
惟裴暕姓名為鄉人鏡去矣散阮所以畜洩水患據
碑文云自亡新以來廢之則前漢時已有之矣光和
中暕為鄭縣令始修復之事見水經及華州圖經散
阮君祠今謂之五部神廟其像有石隄西戍樹谷五
樓先生東臺御史王翦將軍皆莫曉其義

集古
錄

右漢隸不著書撰人名氏中條山有石隄樹谷常漢
溢為患故立散阮泄其水注之於渭自前漢時立廟

以祠之其後阮稍堙塞廟亦毀廢後漢鄭縣令裴暉
字君光復浚阮立廟碑以光和四年立井縣丞夏龔

等題名者六十三人在華州鄭縣

集古
錄目

右漢散阮君神祠碑歐陽公集古錄云散阮君祠今
謂之五部神廟其像有石隄西戍樹谷五樓先生東
臺御史及王翦將軍莫曉其義今此碑有云石隄樹
谷南通商雒又云前世通利吏民興貴有御史大夫
將軍牧伯故為立祠以報其功乃知石隄樹谷御史

將軍之號自漢以來有之流俗相傳其所從來遠矣

而水經鄭縣城南山北有五部神廟廟前有碑光和

四年鄭縣令河東裴畢字君先立又知五部神自齊

魏間已有此號矣裴君水經以為名畢而集古錄云

名暉今詳其點畫頗近畢字疑集古誤也

金石錄

漢散阮君神祠碑裴暉君光立在華州

天下碑錄

散阮祠碑陰

上閩五人

散字鵠伯鸞缺龍子恩梁懼伯然張叙敬升鍾乾

元遜王裴仲輔王典多讓吳中文和王肅伯雍徐相子

拒缺茂宣德張鴻子恩杜賾元載姚堂元政缺多舉

孔脩仲缺衛伯魯關十趙翔德鸞李嵩子師尹擢升

先李缺禮史嵩君義史訇德和張棐彥輔王賢封善

斬訓彥德田珠村王史拒多升王鳳德鸞解訓元龔馬

彤仲選董衡奉德王興升侯徐穉升舉關七景傳介

覽孔紀缺文德張缺延明李覽景豪程缺孔臺壽翼

彥瑛吳缺文平王蘭元臺李義孝鸞鄭續多嗣楊深多

欽定四庫全書
六藝之一錄
十三

羅缺 右郡吏名

王祺孔鸞吳楚彥林吳頌仲升王衡相如蔽常德淵灌

珠升明張傷廣漢郭永子長分演仲瑒費常伯臨藥授

博文董缺德和缺 信缺相缺 又闕一人張訓缺 李

操笏卿王巽仲宜田昌世昌姚恪文珪長缺元和缺舊

笏才夏廣政方戴玘文直閔芳瑋瑛張祺叔盖王皓景

然張奉文鸞田俱伯俱李玪永齊趙超文林陳異子都

高廣廣寧方珪叔珪薛胡威甫救舉遂興韓高元寶尹

廣元佐王方叔段袞渡廣世

闕二

升缺

蔣仲謀

田翕伯佑郭曙元良王

缺

叔海田撈威甫趙撫蓋缺來

仁伯仁馬弘阿買田式文嗣王京子京李龍升和楊常

子騫趙投保受龐龍子贛李

缺

義王醜雲甫救芳文

曜田寧叔威姚豐富

缺

楊暉進缺張宗宣平范甫次君

缺

子雲

闕四

顯明胡放子封王蓋蓋德李康李

邑蘇排村排蘇香伯志籍昌仲昌田嵐仁卿馬碭村碭

長冬冬生王雲文謙維羣伯羣徐位建明趙達文達李

梯漢威趙寧寧昌尹涼升和張昺子師略陽京師張寵

孟升李汎長珠徐衡仲緒杜淵季淵缺忠子信王忠長

和趙春孟春王覽文進缺阿缺又闕王尊長珪楊愔

子缺上官季弟楊道村道寒亮君謙缺潘顯成陽甬石

甬北宮世平楊寧長寧吳累元累許和元德劉寧寧興

劉盛子上劉奉阿奉劉興阿興劉緒長升鄭文文平袁

帶村平朱長桂所房張輔伯輔缺孟堅王遠厚興羊

選孟方陳友村友潘京阿京北宮子祿朱汜伯缺李延

延方靳政方政車春阿春田彥多產孫慎子慎王賀元
賀羊長阿長張選料安田高長高魚升升明趙始始昌
楊明阿明楊陽阿陽張丙阿丙李靚孔和趙墨阿黑李
賢阿賢張長阿長李南阿南魏騫伯信李誨元稱藥遼
子長楊覽文博侯麟文都張僉元行王進缺楷田晉元
臺蘇缺伯臺楊祺伯昌孫恪文敬桓敷公平范叙文彊
劉文文載吳鴻子超趙懿子肯潘建文德震協選和陳
步村才朱瑄子村史容子容楊吉文行缺遠子遠北宮

阿猛王劉季希布張侯益都張蕃市生駱紹承先蘇都

村才馬金阿金趙覽文博車詡李詡斬彦彦平魏意缺

熹缺汜文才田黑阿黑闕一人吳缺田缺阿羣高棕

子珪陳傾阿傾杜寔阿寔韓廣廣寧任負阿負趙澈阿

越田擢子缺王臺村臺田缺孝缺夏侯阿升吳道文建

王尊阿尊龍曜文曜于經升高馮羣阿羣松龍文獻吳

鳳阿鵠趙衆文德李超元德缺脩文和侯暘文義田寄

阿寄詹觀阿缺田缺彦賈缺仲又闕人田缺李

崇阿崇來嵩升高楊才達升趙長阿長龍寧阿寧帶宮
阿宮蘇永德長王忠阿忠張湘元缺李曜秀才張蘭蘭
卿史式阿式鄭儉村節董逮升高任羣阿羣潘升阿升
楊敬阿敬田通升達嚴別阿保趙客阿生田謹阿謹龍
就秀德任遷阿遷張金阿金陳奉文和高揚宣舉缺

達

關一
入

壽蓋阿蓋張飛秀龍賈奉阿奉王脫萬歲略

陽孝弟趙尊元敬

缺

玉

缺瑛戴

缺

文特趙

缺

元宗夏統

子治田受子道高真子慎楊通子通張睢子升張寧子

安吳丙子升缺豪文賀隗益阿盛張漢子缺甄謀子謀

侯選子選張睢睢缺孫龍子缺趙堅子堅魏生長生金

缺杜缺又闕一人略陽子缺季偃子缺秦盧孔盧

揚缺子缺樂朝朝卿王炅阿炅

右散阮神碑陰三百四十二人其磨滅不可見者三

十餘字小而勁漢隸之神品也前碑之後曰有秩者

六十餘人在碑之陰則無秩可知矣其間四十人皆

字其名而繫以阿字如劉興阿興潘京阿京之類必

編戶民未嘗表其德書石者欲其整齊而強加之
猶今閭巷之婦以阿挈其姓也又有復姓數人但云
北宮世平夏侯阿升可見其不欲參差也靈臺碑陰
載諸仲名字有仲東阿東及仲阿同仲阿先數人與

此正相類

尋即曼字
他碑皆然

隸釋

右漢散阮君神祠碑陰縣吏及鄉人題名其完好可
識者二百餘人磨滅者又百餘人小字淳勁可喜歐

陽公集古錄所未嘗有也

金石錄

曲陽恒山廟碑

滹水又東逕恒山下廟北漢末喪亂山道不通此舊
有下階神殿中世以來歲書法族焉晉魏改有東西

二廟廟前有碑

水經注

三公山碑

封龍君 靈山君

上闕
二字

分氣建立乾川乾為物父川為物母運生六子

缺

為缺 巨土為山

缺

風雨天有九部地有八極天地

通缺神明別序州有九凶正缺成土北缺之凶缺升缺

阻上為祈首舍缺陰寶南彌三公厥體嵩厚峻極于天

鼎足帝缺二郡宗祀缺奉缺公嘉祐缺為形北觸

石缺雲不崇而雨陰缺氛廓莫不缺德配五岳王公

所緒四時珪璧月醮酒脯缺公降靈缺得

志列缺羣后或在王庭輔翼聖主颺雨時降和其寒暑

年豐歲稔分武稷黍倉府既盈以穀士女缺得進陳

其鼎俎黃龍白帝伏左山所禽獸缺億兩為耦草木

賜茂巨不數下民知禁順時而取皆受德化非性能

者顧明公垂恩罔極保我國君羣黎百姓缺受元恩光

和四平歲在辛酉四月缺天朔二日甲子元氏左尉上

郡白土樊璋字子義璋缺要缺陵側陋出從幽谷遷

于喬木得在中州尸素食祿缺以弱缺歸于缺族缺明

缺謹缺以缺足觀聽缺道無拾遺消杆缺難路無怨

讞得應廉選貢名王室靈祇福祚施也缺冊於是感恩

缺立銘勒石乃作頌曰

儼儼明公民所瞻兮凶缺窈窕石巖巖兮高倉缺 候

羣神兮興雲致雨除民患兮長吏肅恭缺 心兮四時

奉祀柔稷缺兮缺用缺 兮百姓家給國富設

兮仁愛下下民附親兮遐邇携負來若雲兮或有薪采

投輻檀兮或有缺鬼阻出缺兮或有缺 耘兮或

有隱遁辟語言兮或有恬淡養皓然兮或有呼吸求長

存兮跂行喙息皆缺思兮缺 佑樊璋出谷遷兮封侯食

色傳子孫兮刻石紀德示後昆兮永永不缺 億載年兮

舉將南陽冠軍君姓馮諱巡字季祖缺脩六經之要析

缺出歷受命北征為民父母攘去寇虜缺用无缺

姦缺越竟民移俗改恭肅神祇敬而不怠皇靈缺佑風

雨時節農執耜缺或耘或耔童妾壺饁敬而賓之稼穡

穰穰穀至缺錢封粟如火咸裒仁心君姿前哲喬杞季

文薦缺稂秀不為苛煩愍俗陵遲缺咨缺山無隱士

藪無逸民裒道以德慕此缺百姓歐歌得我惠君功

參周邵受祿于天長履景福子子孫孫

關長史甘陵甘陵夏方字伯陽令京兆新豐王翊字元
輔丞河缺武李缺字公興缺石陟劉元存

右三公之碑隸額兩旁又有封龍君靈山君六隸字
頗大郡國志常山國元氏注云有石塞三公塞所謂
三公塞卽此山也石塞卽白石山也白石碑云縣界
有六名山三公封龍靈山先得法食無極山碑載光
和詔書出元氏錢給三公山四時祠具又云三公山
與龍靈山無極山共興雲雨蓋封龍與靈山是兩山

之名揭其神於額之旁者即是配食三公之祠故碑
中有鼎足之文也頌云儼儼明公民所瞻兮碑云願
明公垂恩罔極保我國君蓋以明公稱山之神而謂
國相為國君也此碑光和四年左尉樊子義立頌末
有樊君徼福之句而讚美舉將馮巡幾二百言馮君
乃常山相也頃者先公太師以使事為北方所留紹
興癸亥年政地王次翁使至燕先公鬲垣與驛中人
語為覘者所得賴副留守高吉祥之力脫縲紲而歸

予之出疆也高之子嗣先相延勞以先世之故並轡
殊從容嘗諉其訪尋中原古刻云北人所不好市無

粥碑者及道過真定顧瞻名山三嘆而已

隸釋

碑以𠂔為叔犁為黎叔為菽秀為莠迟為遲歐為
謳鼎即鼎字柔即忝字𠂔即凶字芋即籽字壺即

壺字裏即懷字

全上

右漢北嶽碑文字殘滅尤甚莫詳其所載何事第其
隱隱可見者曰光和四年以此知為漢碑耳其文斷

續不可次序蓋多言珪幣牲酒黍稷豐穰等事似是
禱賽之文其後有二人姓名偶可見云南陽冠軍馮

巡字季祖甘陵夏方字伯陽其餘則莫可考

集古錄

北嶽廟碑隸書不著書撰人名字文字磨滅者多不
可悉考其中間有稱光和四年元氏左尉上郡瑋其

意若瑋被選舉而立此銘以報神貺在定州

集古錄目

右漢三公碑歐陽公集古錄有北嶽碑云文字殘缺
尤甚其可見者云云余嘗託人於北嶽訪求前代刻

石幾盡獨無漢碑今此碑所書事及二人姓名與集古錄所載皆同光和四年立惟其額題曰三公之碑而集古以為北嶽碑豈歐陽公未嘗見其額乎三公者山名其事亦載於白石神君與無極山碑三山皆在真定元氏云

金石錄

三公山碑在真定府石氏集古以為北嶽碑金石錄

云恐歐公未見其額

漢隸字原

無極山碑

光
和四年缺月辛卯朔廿二日壬子大常臣耽丞敏頓

首上缺尚書謹案文書男子常山蓋高上黨范遷詣缺

為元代三公神缺本初元年二月癸酉光和二

年二月戊子詔書出其縣錢給四省祠具去年五月常

山相巡遣吏王勲三缺弘裒詣三公山請雨山神即使

高傳言令勲裒歸缺雨可得三公山即與龍靈山無極

山共興雲交雨國相巡元氏令王翊各白芊塞神山復

使高與遷及縣吏和卞令俱詣大常為無極山神索灋

食比三公山臣疑高遷言不實輒移本國缺霰令常山
相書言却督郵書掾成熹夢訊實問熹縣令翊各言無
極山與无墜俱生朐上至體可三里所在石為體二丈
五尺所政南缺上缺青下黃白色前政平可布兩大席
山周巾廿餘左西南世里縣界有名山其三公對龍靈
山皆得灑食每長吏祈福吏民禱告如言有驗乞合無
極山比三公對龍靈山祠缺七牲出用王家錢小費蒙
大福尊神吕珪辭為信臣愚吕為如巡言為民來福吕

祠祀為本請少府給珪璧本市祠具如癸酉戊子詔書
故事報臣眈愚慙頓首頓首上

尚書

制曰可

大尚承書勅事

上闕 月十七日丁丑尚書令忠奏雒陽宮

光和四年八月辛酉朔十七日丁丑尚書令忠下

光和四年八月辛酉朔十七日丁丑大常眈丞敏下常

山相缺叨事下承缺用者如詔書書到言

昔在禮英國有名山能昇材用興雲出雨為民來福除
典則祀元氏縣有先昔三公對龍靈山已得法食而獨
朱光和四平二月所子大男蓋高上黨范遷奏記大常

大常下郡國相南陽馮府君咨之前志缺問耆僂僉呂

為寔神且明每國縣水旱及民疾病禱祈輒應昔有報
又有終南之敦物與岱崇之柎及楊誅之棧缺條蕩焉
材用於是乎出官民於是乎給左禮秩祀有功必報今

皆無極山應灑食誠其宜瓦於是言大常奏可其年八月丁丑詔書聽其九月更造神廟悛祀祠宮置吏犧牲加制月醮皆祠禮與三山同乃立碑銘德頌山之神焉其詳白

巖巖無極厥體巍巍高缺萬帝缺梯浚谷千刃缺窈

窈凸隗淋林蕊毒倉氣蔚伊缺碑缺礙缺隗缺階缺窪遙望

儼然即就有威觸石膚寸興雲祁祁雨我公田遂及我私百穀用成家有其資禱禳請祈應速不遲鳥獸草木

番茂隆缺

猥神為之哀欽案禮典咨古遺則功

加于民官報其德今侷七牲珪璧法食改館興廟恢拓

宇室增益吏役恭君下職月醮昔祀肅植齊壺缺必博

碩酒必嘉粢粢盛馨香如禮不失額君歆享降福孔缺

官民禱祈僉缺密勿有吕禳解報應可必缺灋食將

祐我君哉君高缺泉多子孫君其遺慶副稱額云缺

常山相南陽嗣軍馮巡字季祖長史穎川缺申屠缺字

缺

元氏令京兆新豐王翊字元輔丞河內缺

左尉上郡白土

缺

字

祠祀掾缺賢廉香缺掾

和

缺

祠仁德掾樊泚史吳宜小吏吳黑

光和四年十月十三日

缺

石甃

缺

造

右無極山碑篆額在真定此山與三公山封龍山靈山白石山皆在元氏男子蓋高范遷援三公龍靈有請於太常乞官給珪璧四時祠具詔從之吏民更造廟宇而立此碑靈帝光和四年也蔡質漢官典儀曰司隸城門校尉上尚書言頓首上下言誠皇恐頓首

上謁者上尚書頓首死罪上下言誠皇恐頓首死罪
上今所有者史晨樊毅兩碑皆用謁者式與蔡說合
惟此碑其後但再稱頓首又太常稱臣而丞不稱莫
詳其制碑云有終南之敦物岱宗之松楊越之篠蕩
盖以敦物為終南所產與松篠同科今經史多作惇
物注云山之名也顏之推謂詩之有滄萋萋興雲祁
祁當是興雨趙氏据此碑云漢以前本皆作興雲因
顏氏改之予按左雄傳已作興雨祁祁則漢代言詩

者自不同由唐以來定本始以興兩為正非因顏氏

也

釋 隸

碑以塞為賽央為殃條為篠刃為仞番茂為蕃茂
灑即法字覈即覈字无墜即天地字刃即從字慇
即慇字拓即拓字椀即杔字叟即叟字左傳趙叟

也

全 上

右漢無極山神廟碑文字磨滅斷續然尋繹次序其
可見者尚可成文云太常臣耽丞敏頓首上尚書謹

按文書男子常山蓋高上黨范遷為元氏三公神山
去年五月常山相巡詣山請雨山神即使高傳言白
國縣即與封龍靈山無極山共興雲雨常山相巡元
氏令王翊各以一白羊賽復使高與遷俱詣太常為
無極山神索法食臣疑高遷言不實輒移本國今常
山相巡書言郡督郵言無極山體可三里所立石為
體長二丈五尺所山周匝二十餘里其三公封龍靈
山皆得法食乞令無極山比三山祠牲出王家以珪

璧為信愚臣如巡言請少府給珪璧故事須報臣孰
愚勳頓首頓首上尚書制曰可尚書令忠奏雒陽宮
太常承書從事光和四年八月十七日丁酉尚書令
忠下太常耽丞敏下常山相其奏章如此其後遂言
造廟事而又銘其文多不載按漢章奏首尾皆言臣
某頓首頓首死罪死罪上尚書而此碑所載太常奏
章首尾不稱死罪而丞敏又不稱臣莫曉其制也碑
後又列常山官屬云常山相南陽馮巡字季祖元氏

令王翊字元輔云

六一
題跋

右隸書光和四年太常躰丞敏表上尚書言中山男子高遷等為無極山神索法食乞少府給珪璧制曰

可後有銘辭在定州

集古
錄目

右漢無極山碑按顏之推家訓曰詩云有滄萋萋興雲祁祁毛傳云滄興雲貌萋萋雲行貌祁祁徐也箋云古者陰陽和風雨時其來祁祁然不暴疾也按滄已是陰雲何勞復云興雲祁祁邪雲當為雨俗寫誤

耳班固靈臺詩云習習祥風祁祁甘雨此其證也據此則本作雲字之推改為雨耳而陸德明經典釋文亦云本作興雲非也蓋德明據顏氏說改之故後來本皆作雨今此碑銘文有曰興雲祁祁雨我公田遂及我私乃知漢以前本皆作興雲顏氏說初無所據特私意耳

金石錄

漢無極山碑在元氏縣西北十里無極山下建安四年立漢無極山神廟碑光
天和四年碑錄

山有無極神祠并漢時封號隸書在真定府元氏縣

西

古今碑刻

封龍山碑

漢封龍山碑二在獲鹿縣南四十五里山上延熹七

年立

天下碑錄

封龍山碑季公緒記在北直隸真定府元氏縣西北

古今碑

刻記

封龍山一名飛龍山勢如伏龍有飛舉狀其山諸峰

金定四庫全書
卷三十八
曰華蓋曰熊耳曰飛首皆竒峻

白石神君碑

蓋聞經國序民莫急於禮禮有五經莫重於祭祭有二
義或祈或報報以章德祈以弭害古先哲王顙帝禋宗
望于山川徧于羣神建立地域脩設壇屏所以昭孝息
民輯寧上下也白石神君居九山之數叅三條之壹兼
將軍之號秉斧鉞之威體連封龍氣通北嶽幽讚天地
長育萬物觸石而出膚寸而合不終朝日而澍雨沾洽

前後國縣屢有祈請指日刻期應時有驗猶自抱損不
求禮秩縣界有六名山三公封龍靈山先得法食去光
和四年三公守民蓋高等始為無極山詣大常求法食
相縣以白石神君道德灼然乃具載本末上尚書求依
無極為比即見聽許於是遂開拓舊地改立殿堂營宇
既定禮秩有常縣出經用備其儀牲奉其珪璧絜其粢
盛旨酒欣欣燔炙芬芬敬恭明祀降福孔殷故天無伏
陰地無羸陽水無沉氣火無灾燁時無逆數物無害生

用能光遠宣朗顯融昭明年穀歲熟百姓豐盈粟升五
錢國界安寧介乃陟景山登崢嶸采玄石勒功名其辭
曰

巖巖白石峻極大清皓皓素質因體為名惟山降神髦
士挺生濟濟俊乂朝野充盈灾害不起五穀熟成乃依
無極聖朝見聽遂興靈宮于山之陽營宇之制是度是
量卜云其吉終然允滅匪奢匪儉率由舊章華殿清閑
肅雍顯相玄圖靈像穆穆皇皇四時禋祀不愆不忘擇

其令辰進其馨香犧牲玉帛黍稷稻糧神降嘉祉萬壽
無疆子子孫孫永永蕃昌

光和六年常山相南陽馮巡字季祖長史潁川申屠熊
元氏令京兆新豐王翊字元輔丞河南李邵左尉上郡
白土樊瑋祠祀掾吳宜史解徽石師王明

右白石神君碑篆額在真定靈帝光和六年立前二
年盖高等援三公封龍靈山請于朝為無極山得法
食至是常山相馮巡元氏令王翊復具白石本末求

依無極為比朝廷聽許遂開拓殿宇琢石勒碑其文
有云居九山之數參三條之一趙氏莫曉三條為何
語按尚書正義曰從導岍至敷淺原舊說以為三條
地里志云禹貢北條之荆山則在馮翊懷德縣南條
之荆山則在南郡臨沮縣是舊有三條之說也故馬
融王肅皆以導岍為北條西傾為中條嶠冢為南條
自岷山之南至敷淺原別以岷山為首不與大別相
接則岷非三條也葢阮碑云中條之山者蓋華嶽之

體南通商雒以屬熊耳其文與正義合漢人分隸固
有不工者或拙或怪皆有古意此碑雖布置整齊略
無纖毫漢字氣骨全與魏晉間碑相若雖有光和紀
年或後人用舊文再刻者爾

隸釋

碑以蕃昌為蕃昌拓即拓字

同上

右漢白石神君碑其畧云白石神君者居九山之數
參三條之一兼將軍之號秉斧戡之威體連封龍氣
通北嶽幽讚天地長育萬物觸石而起膚寸而合不

終朝日而澍雨沾洽自前後國縣屢有祈請指日刻
期應時有驗猶自抑損不求禮秩縣界有六名山三
公封龍靈山得法食去光和四年三公守民蓋高等
始為無極山詣太常求法食相縣以白石神君道德
灼然乃具載本末上尚書求依無極即蒙聽許於是
遂開拓舊兆改立殿堂其餘首尾尚皆完好可讀文
多不備載其曰居九山之數參三條之一莫曉為何

語也
金石錄

白石山碑山名白石漢封白石神君有碑刻甚古在

真定府元氏縣西北

古今碑刻記

白石神君碑并陰八分書光和六年立今在無極縣

後有燕元璽三年題名元璽慕容雋號

金石文字記

彭山廟碑

小渚水逕彭山西下有彭山廟廟前有彭山碑漢桓

帝元嘉三年杜仲長立

水經注

八都神廟碑

在鎮州元氏縣西北二十里廟壇下光和中立

天
下
碑
錄

立教院君神祠碑

華州 金石
略



六藝之一錄卷三十八